

Newsletter

Tshe mashinatautishuht anitshenat Innuat nenu mashinatautishunanuti eshpishat Canada assit

Ute mashinaikanit takuannu utaimun ne Ka mashinatautishunanut Canada ka uishamaht nenua kassinu Innua tshetshi natshi-mashinatautishuniti nemenu mashinatautishunanuti nete eshpishat Canada assit. Nitutenan ume atusseun, kanapue neni mashinaikana ka ishi-natu-tshissenitakanit issishuemakana, nete pet utat kutunuepipuna apu shuk innuat natshi-mashinatautishuht itakanuat, kie ma anitshenat kutakat auenitshenat ka utshipaniht anite Canada assit, iapit anitshenat etaht nete utenat.

Ne uet tutakanit, tshetshi uitamuakaniht anitshenat Innuat manakaniht nenu tshetshi natshi-mashinatautishuht kie tshetshi minu-uapatiniakaniht eshi-pimutenanit. Shash nete pet pishimua, niuapamatiht utshimauat mak ussinitshishuat ka taht nete innuat ka mamuituht. Nui nashkumauat nenu ka pet miniht aimunnu kie ka itenitahk ka uitamuiht. Eukuannu e uapatiniueht nenu niashatahk tshekuannu tshetshi kuishk^u ishi-pimutenanunit.

Jean-Pierre Kingsley

Katakuaitshet nikan nete ka mashinatautishunanunit Canada assit.

Aimun ka patshitinakanit kie tshe ui uishatshemunanut

Tshetshi eka shuk animatshenitakuak ne tshe mashinatautishunanut mak tshetshi uitshikuht Innuat, ne Ka mashinatautishunanut Canada mishituepanitapan nenu atusseunnu, anitshenat tshe atusseht kupanieshat nete innua itetshe. Anitshenat kupanieshat, tshe uitatussemikuht nenu utshimauat ka tshitapataminiti nenu mashinatautishunanuti, tshika nateuat innua nete innu-assit tshetshi minu-uitamuakaniht tshekuannu ma ut tshipa ui tutaminua nenu mak nenu eshi-pimutenanit miam e mashinatautishunanuti. Tshika mitshena nete tshe ituteht anitshenat innuat ui natshi-mashinatautishutau, nete ashit utenat. Tshika mitshetuat ashit innuat tshe atusseht kie tshika teuat anitshenat tshe uitshiaht nenu eka tshekuannu ka nishtuapataminiti eshi-pimutenanit kie tshe ashu-uitamatsheht. Kie, tshika mitshena nete tshe natu-tshissenitakanit tshekuan, tshetshi innuat apatshitaht nenua. Nete ka mamuituht innuat mak neni innu-mitshuapa tshika itishaimuakanuat nenua mashinaikana mak anitshenat innu-mashinaikanitshuapa tshika itishaimuakanuat akunikana. Miam uitakaniti ne tshe mashinatautishunanut, ne Ka mashinatautishunanut Canada assit, tshika nukutau aimunnu nete kaimu-mishtikut, tauapeikaikan kanatutakanit, tipatshimu-mashinaikanit mak nete tauapeikaikan katshitapatakanit.

Tshe ui nanitam tshitutenanut

Shash peshinakuan minuat tshe mashinatautishunanut kie nui patshitinenan eshi-pikutaiht, ka ishpush itatusseiaht shash kutunnuqipuna neme miam meshinatautishunanuti. Anitshenat ka shatshuapamakaniht passe auenitshenat, uitshikuht anitshenat ka ishnikatakaniht Ka mashinatautishunanut Canada assit, tshetshi minutaht umashinaikanuaua mak tshetshi patshitinahk aimunnu mak tshetshi ishpitenimaht nenua innua kassinu eshinakushiniti, ute etaht kassinu eshpishanit assit Canada.

Eshk^u an ui natakanuat auenitshenat tshetshi etatu minuat kutak tshekuan tutakanit kie tshi uishamitinan tshetshi uitamuiht etenitamek^u kie tan tshipa ishinakutakanu ne atusseun.

Ui etatu natu-tshissenitameku, tshika tshi aiminaw nete mashinaikanitshuapit ka mashinatautishunanut Canada, nete pessish etaiek^u tekuak. Tshika tshi utinenaw etashtet atshitashun nete nitatusseu-katshitapatakaniminat kie ma, tshipa tshi aiminan nete kaimitunanut

www.elections.ca

1 800 463-6868

ATS 1 800 361-8935 anitshenat eka ka petak